

OFFERYNNAU STATUDOL CYMRU

2015 No. 622

Rheoliadau Cynllun Pensiwn y Diffoddwyr Tân (Cymru) 2015

RHAN 13

Atodol

PENNOD 3

Talu a didynnu treth

Gweinyddwr cynllun at ddibenion Deddf Cyllid 2004

187. Penodir y rheolwr cynllun i fod yn gyfrifol am yr holl rwymedigaethau a chyfrifoldebau sy'n gysylltiedig â'r swyddogaethau a roddir i, neu a osodir ar, y gweinyddwr cynllun gan neu o dan Ran 4 o DC 2004, ac yr ymgwymerir â hwy gan y rheolwr cynllun fel gweinyddwr is-gynllun o dan reoliad 3 o Reoliadau Cynlluniau Pensiwn Cofrestredig (Holiti Cynlluniau) 2006 ac Atodlen 3 i'r Rheoliadau hynny(1).

Talu'r tâl lwfans oes ar ran aelodau

188.—(1) Caiff aelod ofyn i weinyddwr y cynllun dalu, ar ran yr aelod, unrhyw swm sy'n daladwy fel tâl lwfans oes o dan adran 214 o DC 2004 pan fo—

- (a) digwyddiad sy'n ddigwyddiad crisialu budd a restrir yn y tabl yn adran 216(1) o DC 2004 yn digwydd mewn perthynas â'r aelod; a
- (b) yr aelod a'r rheolwr cynllun yn atebol ar y cyd ac yn unigol mewn perthynas â'r digwyddiad hwnnw.

(2) Ni chaniateir gwneud cais o'r fath ac eithrio drwy hysbysiad i'r gweinyddwr cynllun ymlaen llaw cyn y digwyddiad.

(3) Ni chaiff y rheolwr cynllun gydymffurfio â chais o'r fath onid yw'r aelod—

- (a) yn talu'r swm sydd dan sylw iddo ar neu cyn dyddiad y digwyddiad; neu
- (b) yn awdurdodi didynnu'r swm sydd dan sylw allan o gyfandaliad sy'n dod yn daladwy i'r aelod o dan y cynllun hwn yr un pryd â'r digwyddiad.

Lleihau buddion pan fo tâl lwfans oes yn daladwy

189.—(1) Mae'r rheoliad hwn yn gymwys—

- (a) os yw'r digwyddiad sy'n ddigwyddiad crisialu budd a restrir yn y tabl yn adran 216(1) o DC 2004 ("y tabl") yn digwydd mewn perthynas ag aelod(2);

(1) O.S. 2006/569; diwygiwyd gan O.S. 2013/1114.

(2) Diwygiwyd adran 216(1) gan Ddeddf Cyllid 2005 (p. 7), Atodlen 10, paragraffau 31 a 42; Deddf Cyllid 2006 (p. 25), Atodlen 23, paragraff 30; Deddf Cyllid 2008 (p. 9), Atodlen 29, paragraffau 1(3) a 5; a Deddf Cyllid 2011 (p. 11), Atodlen 16, paragraffau 43 a 73(2).

- (b) os yw'r aelod a'r rheolwr cynllun yn atebol ar y cyd ac yn unigol mewn perthynas â'r digwyddiad hwnnw; ac
 - (c) os na wnaed cais yn briodol o dan reoliad 188 (talw'r tâl lwfans oes ar ran aelodau) mewn perthynas â'r digwyddiad neu, os gwnaed cais o'r fath, rhwystrwyd y rheolwr cynllun rhag cydymffurfio â'r cais hwnnw gan baragraff (3) o'r rheoliad hwnnw.
- (2) Os yw'r rheoliad hwn yn gymwys—
- (a) rhaid i'r rheolwr cynllun dalu'r dreth sy'n daladwy ar y digwyddiad;
 - (b) os y digwyddiad yw digwyddiad crisialu budd rhif 8 yn y tabl (trosglwyddo i gynllun pensiwn tramor cydnabyddedig cymwys), rhaid lleihau swm neu werth y symiau neu asedau a drosglwyddir; ac
 - (c) yn achos unrhyw ddigwyddiad arall yn y tabl hwnnw, rhaid lleihau swm neu werth y buddion sy'n daladwy i'r aelod neu mewn cysylltiad â'r aelod.
- (3) Rhaid i swm neu werth y lleihad—
- (a) adlewyrchu swm cyflawn y dreth a dalwyd felly; a
 - (b) yn achos unrhyw ostyngiad mewn buddion pensiwn, cael ei gyfrifo yn unol â chanllawiau actiwaraid.

Gwybodaeth ynghylch talu'r tâl lwfans blynyddol

190.—(1) Os yw swm mewnbwn cynllun pensiwn aelod ar gyfer y cynllun hwn am gyfnod mewnbwn pensiwn yn fwy na swm y lwfans blynyddol ar gyfer y flwyddyn dreth y mae'r cyfnod mewnbwn pensiwn hwnnw yn diweddu ynddi, mae paragraff (2) yn gymwys mewn cysylltiad â'r aelod ar gyfer y flwyddyn dreth honno.

(2) Rhaid i'r rheolwr cynllun, ddim hwyrach na 6 Hydref ar ôl diwedd y flwyddyn dreth, ddarparu i'r aelod y cyfryw wybodaeth a ystyrir yn briodol gan y rheolwr cynllun i gynorthwyo'r aelod i drefnu taliad o'r tâl lwfans blynyddol am y flwyddyn dreth honno, ynghyd â'r wybodaeth sy'n ofynnol gan reoliad 14A o Reoliadau Cynlluniau Pensiwn (Darparu Gwybodaeth) 2006(3).

(3) Yn y rheoliad hwn—

mae i "cyfnod mewnbwn pensiwn" ("*pension input period*") yr ystyr a roddir yn adran 238 (cyfnod mewnbwn pensiwn) o DC 2004(4);

mae i "swm mewnbwn cynllun pensiwn" ("*pension scheme input amount*") yr ystyr a roddir yn adran 237B(2) (atebolrwydd gweinyddwr cynllun) o DC 2004(5).

Lleihau buddion pan fo tâl lwfans blynyddol wedi ei dalu gan reolwr cynllun

191.—(1) Mae'r rheoliad hwn yn gymwys pan fo—

(a) aelod wedi rhoi hysbysiad dilys i'r rheolwr cynllun o'u hatebolrwydd ar y cyd ac yn unigol am dâl lwfans blynyddol o dan adran 237B(3) o DC 2004; a

(b) y rheolwr cynllun yn bodloni'r atebolrwydd a bennir yn yr hysbysiad.

(2) Rhaid i reolwr cynllun leihau swm neu werth y buddion sy'n daladwy i'r aelod, neu mewn cysylltiad â'r aelod, ar gyfer y flwyddyn dreth y mae'r hysbysiad yn ymwneud â hi, yn unol â pharagraff (3).

(3) Yn ddarostyngedig i baragraff (4), rhaid i swm neu werth y gostyngiad mewn buddion—

(3) [O.S. 2006/567](#); mewnosodwyd rheoliad 14A gan reoliadau 2 ac 8 o [O.S. 2011/1797](#). Fe'i diwygiwyd gan [Ddeddf Trethu Pensiynau 2014](#) (p. 30), adran 1 ac Atodlen 1, paragraff 88.

(4) Diwygiwyd adran 238 gan [ddeddf Cyllid 2011](#) (p. 11), Atodlen 17, paragraff 16.

(5) [2004 p. 12](#); mewnosodwyd adran 237B gan [Ddeddf Cyllid 2011](#) (p. 11), Atodlen 17, paragraff 15 ac fe'i diwygiwyd gan [Ddeddf Cyllid 2013](#) (p. 29), Atodlen 46, paragraffau 119 a 129.

- (a) adlewyrchu'r swm cyflawn a dalwyd gan y rheolwr cynllun; a
 - (b) cael ei benderfynu yn unol â chanllawiau actiwaraid.
- (4) Ni chaniateir lleihau buddion o dan y rheoliad hwn ac eithrio i'r graddau na fyddai'r lleihad yn peri colli unrhyw ran o leiafswm pensiwn gwarantedig y mae hawl gan y person i'w gael.